

# TOUAZIÈM PATI

## Lavi nan Kris-la

---

### PRÉMIÉ SÉKSION

## Vokasion moun-nan : lavi nan Éspri-a

1699 Lavi nan Éspri-Sin-an réalizé vokasion moun-nan an plin (*prémié chapit*). Sé nan rinmin Bondié-a ak solidarité ant moun-yo li yé (*dézièm chapit*). Sé gratis yo bay-li pou salu-a (*touzièm chapit*).

---

### PRÉMIÉ CHAPIT

## Dignité moun-nan kòm moun

1700 Dignité moun-nan kòm moun pran rasîn-li nan kréyé yo kréyé-l dapré  
356 pòtré ak résanblans Bondié-a (*prémié atik*); li réalizé an plin nan  
vokasion-l pou-l nan kontantman (béatitud) Bondié-a (*dézièm atik*). Sé  
dévoua moun-nan pou-l dirijé pròp tèt-li an tout libèté nan rérealizasion sa-a  
(*touazièm atik*). Moun-nan kòm moun, ak aksion li fè volontèman  
(délibéréman) (*katriyèm atik*), li kapab konfòmé-l oubyin pa konfòmé-l  
pou byin-an, sa Bondié promèt-la épi konsians moral-la témouagné-a  
(*sinkièm atik*). Moun-yo konstrui pròp tèt-yo épi yo grandi sou paranndan:  
yo fè tout lavi sansib épi spirituèl yo tounin matério pou kouasans yo-a  
(*sizièm atik*). Ak sékou lagras-la yo grandi nan vèrtu-a (*sétièm atik*), yo  
évité péché-a épi, si yo t-a fè-l, tankou ti banbochè-a (cf. Lc 15, 11-31), yo  
1439 rinmèt tèt-yo bay mizérikòd Papa-nou ki nan sièl-la (*uitièm atik*). Konsa  
yo rivé nan pèféksion charité-a.

## ATIK 1

***Moun-nan sé pòtré Bondié***

- 1701            « Kris-la, [...] nan révéle li révéle mistè Papa-a minm épi rinmin li gin  
359 pou nou-an, li montré moun-nan sa moun-nan yé tout bon vré épi li fè-l  
ouè gran rotè vokasion-l nan klè » (GS 22, § 1). Sé nan Kris-la, « li-minm  
ki pòtré Bondié yo pa kapab ouè-a » (Col 1, 15 ; cf. 2 Co 4, 4), yo té kréyé  
moun-nan « dapré potré épi résanblans » Kréatè-a. Nan Kris-la, Rédanmté  
épi Sovè, pòtré Bondié-a ki té défòmé nan moun-nan poutèt premié  
péché-a, vîn réstoré nan bèlté orijinal-li épi réjouinn dignité-l nan lagras  
Bondié-a (cf. GS 22).
- 1702            Nan chak moun gin pòtré Bondié-a. Li kléré lè moun-yo vîn fè youn  
1878 (viv an kominion), dapré résanblans Pèrsòn divîn-yo ki fè youn antré yo  
(cf. *dézièm chapit*).
- 1703            Antan li gin yon nanm ki spirituèl épi ki pa kapab mouri (imòtèl) (GS  
363 14), moun-nan kòm moun « sé sèl kréati sou tè-a Bondié té vlé an  
2258 fonksion kréati sa-a li-minm » (GS 24, § 3). Sé pou sa, dépi li fòmé nan  
vant, déstin-li sé kontantman anplin (béatitud) pou tout tan-an.
- 1704            Moun-nan kòm moun patisipé nan limiè ak fòs Éspri Bondié-a. Ak  
339 rézon-an li kapab konprann fason Kréatè-a établi pou réalité-yo ranjé-a  
(lòd réalité-yo). Ak volonté-l li kapab dirijé pròp tèt-li al nan sa-k véritab  
30 byin li-an. Li jouinn pèfèksion-l lè li chèché épi li rinmin sa ki vré ak sa ki  
byin (GS 15, § 2).
- 1705            Poutèt nanm-li épi puisans spirituèl intèlijans-li ak volonté-l, moun-nan  
1730 gin libètè-a ki « sign spésial pòtré Bondié-a » (GS 17).
- 1706            Ak rézon li ginyin-an, moun-nan konnin voua Bondié k-ap pousé-l « fè  
byin-an [...] épi évitè mal-la » (GS 16). Chak moun doué suiv laloua k-ap  
1776 palé nan konsians-la épi ki akonpli nan rinmin pou Bondié ak pou  
prochin-an. Pratik lavi moral-la témouagné dignité moun-nan kòm moun.
- 1707            « Moun-nan minm, antan Malin-an konvink-li, dépi nan kòmansman  
397 istoua-a, li sèvi mal ak libètè-l la » (GS 13, § 1). Li tonbé nan tantasion-an  
épi li fè sa-k mal. Li konsèvé anvî byin-an, min natu-li poté blésu péché  
orijinèl-la. Li vîn gin panchan pou mal-la épi li tonbé nan èrè :
- « Sé pou sa, sé nan li-minm minm moun-nan divizé. Sé sa-k fè tout lavi  
moun-yo, soua pou kont yo, soua ansanm ak lòt-yo, vîn parèt kòm yon  
konba ki trajik pafoua ant byin-an ak mal-la, ant limiè-a ak fènoua-a » (GS  
13, § 2).

1708 Pa lintèmediè soufrans li-a, Kris-la libéré nou anba Satan épi anba  
617 péché-a. Li mérité nouvo lavi nan Éspri-Sin-an pou nou. Lagras li-a  
réstoré sa péché-a té gaté nan nou-an.

1709 Moun ki kouè nan Kris-la, tounin pitit Bondié. Adopsion kòm pitit sa-a  
1265 transfòmé-l, antan-l fè-l kapab suiv égzanp Kris-la. Li ba-l kapasité pou-l  
agi yon fason ki douat épi pratiké byin-an. Disip-la ki fè youn ak Sovè-l  
la, rivé nan pèfeksion charité-a, sètadi rivé sin. Lavi moral-la, ki dévlopé  
1050 nan lagras-la, pran tout ékstansyon-l nan lavi pou tout tan-an nan gloua  
sièl-la.

### RÉZIMÉ

1710 « *Kris-la montré moun-nan sa moun-nan yé tout bon vré épi li fè-l ouè  
gran rotè vokasyon-l nan klè* » (GS 22, § 1).

1711 *Antan li gin yon nanm spirituèl, intèlijans épi volonté, dépi li fòmé nan  
vant li déstiné pou béatitud (kontantman) pou tout tan-an. Li jouinn  
pèfeksion-l lè li chèche épi li rinmin sa ki vré ak sa ki byin (GS 15, §  
2).*

1712 « *Véritab [...] libète-a sé « sign spésial pòtré Bondié-a nan moun-  
nan » (GS 17).*

1713 *Moun-nan doué suiv laloua moral-la k-ap pousé-l « fè byin-an [...] épi évité mal-la » (GS 16). Laloua sa-a ap palé nan konsians-li.*

1714 *Nan natu-li, moun nan blésé ak péché orijinèl-la, li tonbé nan èrè épi  
li vîn gin panchan pou mal-la nan jan li sèvi ak libète-l.*

1715 *Moun ki kouè nan Kris-la, li gin nouvo lavi nan Éspri-Sin-an. Lavi  
moral-la, ki grandi épi dévlopé nan lagras-la, sé nan gloua sièl-la li  
doué rivé nan pèfeksion-l.*